

关于腊八节的经典诗句【五篇】（关于腊八节的诗句古诗大全）

作者：有故事的人 来源：范文网 www.wtabcd.cn/fanwen/

本文原地址：<https://www.wtabcd.cn/fanwen/meiwen/3d8a03fb581a60f6da6d8a8855ec759a.html>

范文网，为你加油喝彩！

【#能力训练# 导语】腊月节，农历十二月，人们习惯称为“腊月”。据说秦始皇统一中国以后，下令将每年十二月改称为“腊月”。而“腊”这一词到汉代才正式出现。下面是©无忧考网分享的关于腊八节的经典诗句【五篇】。欢迎阅读参考！

【篇一】关于腊八节的经典诗句

1.《腊日晚步》宋朝·张耒

喜觉阳和近，山园策杖行。草应知地暖，柳欲向人轻。残雪通春信，鸣禽报晓晴。田间未成计，搔首向春耕。

2.《腊八日夜直》清朝·曾国藩

翻从官宿得闲时，仙掖深深昼掩帷。静向古人书易入，寒偏今日酒堪持。浓醺说献宫中佛，晴雪看分禁里墀。日暮武英门外望，并阑冰合柳枯垂。

3.《腊八日与墨池野酌迟丘月渚》明朝·杨慎

散步谪仙桥，严寒酒易消。云容将变朔，风信已鸣条。只为朋从好，浑忘旅寓遥。清吟迟月渚，剪烛永今宵。

4.《浣溪沙·腊日银罌翠管新》宋朝·张纲

腊日银罌翠管新。潘舆迎腊庆生辰。卷帘花簇锦堂春。百和宝薰笼瑞雾，一声珠唱驻行云。流霞深劝莫辞频。

5.《杭都旅舍腊日感事》宋朝·孙应时

三年腊日常为客，愁绝梅花独自看。万里尘沙走西蜀，九衢风雪卧长安。生来可是儒冠误，老去偏知世路难。安得长间伴溪叟，醉歌时掣钓鱼竿。

6.《腊八危家饷粥有感》宋朝·赵万年

襄阳城外涨胡尘，矢石丛中未死身。不为主人供粥饷，争知腊八是今辰。

7.《腊日观咸宁王部曲娑勒擒豹歌》唐朝·卢纶

山头曈曈日将出，山下猎围照初日。前林有兽未识名，将军促骑无人声，潜形踞伏草不动，双雕旋转群鸦鸣。阴方质子才三十，译语受词蕃语揖。舍鞍解甲疾如风，人忽虎蹲兽人立。欻然扼颡批其颐，爪牙委地涎淋漓。既苏复吼拗仍怒，果协英谋生致之。拖自深丛目如电，万夫失容千马战。传呼贺拜声相连，杀气腾腾阴满川。始知缚虎如缚鼠，败虏降羌生眼前。祝尔嘉词尔无苦，献尔将随犀象舞。苑中流水禁中山，期尔攫搏开天颜。非熊之兆庆无极，愿纪雄名传百蛮。

8.《腊八日早漫成》宋朝·张即之

簿书方应接一身，减却新计上笔尖。愧我世无分雨补，为农忧有岁时占。客因年近思家切，人到心间饮水甜。昨夜一番乡屋梦，寒梅香处短筇拈。

9.《腊日二首·腊日开门雪满山》宋朝·张耒

腊日开门雪满山，愁阴短景岁将阑。江海飘落香元在，汀雁飞鸣意已还。佳节再逢身且健，一樽相属鬓毛斑。明光起草真荣事，寂寂衡门我自闲。

10.《和宋太玄腊日》宋朝·田锡

逢腊欣酬吟咏才，已知春色向人来。口脂润逐银罌赐，面药香随钿合开。梁苑辞臣堪赋雪，寿阳公主好妆梅。更怜罢猎归侵夜，重对歌筵红烛台。

11.《腊日龙沙会绝句》唐朝·权德舆

帘外寒江千里色，林中樽酒七人期。宁知腊日龙沙会，却胜重阳落帽时。

12.《腊八日省牲》明朝·费宏

腊神方遇八，长至屡踰九。郊裡重省视，臣职在九走。轩车薄暮出，落日正当西。归鸦自南来，阵阵集官柳。城闉钥未合，阍吏谨迎候。月弦此初上，仰认是何宿。彷彿胃昴间，如弓...

13.《谢道守董朝散腊日分惠采鱼》宋朝·郭印

腊日公塘命矢鱼，亲迂五马过康衢。分波短艇金梭疾，缀网圆髻玉叶粗。滋味尽教沾掾属，割烹不独侑宾厨。从今下客休弹铗，不似冯谖恨食无。

14.《唐辰腊八日大雪二首·东州逢腊雪》宋朝·张耒

东州逢腊雪，却忆竟陵梅。客路人方远，天涯雁欲回。遥怜檐外白，还点砌边苔。久是无人过，谁知照酒杯。

15.《腊日雪》宋朝·梅尧臣

风毛随校腊，浩浩古原沙。寒竹弓声健，阴藏兔径赊。马头迷玉勒，鹰背落梅花。少壮心空在，悠然感岁华。

16.《腊八日雪参议林郎中有诗因次韵》宋朝·喻良能

玉树参差见，银花子细看。淖糜分腊序，圆炭度朝寒。冉冉头新白，匆匆岁又残。聊凭一杯醉，忍把两眉攒。

17.《赠孙莘老七绝·去年腊日访孤山》宋朝·苏轼

去年腊日访孤山，曾借僧窗半日闲。不为思归对妻子，道人有约径须还。

18.《腊日猎》唐朝·姚合

健夫结束执旌旗，晓度长江自合围。野外狐狸搜得尽，天边鸿雁射来稀。苍鹰落日饥唯急，白马平川走似飞。蜡节畋游非为己，莫惊刺史夜深归。

19.《腊八日未雪不寒》元朝·方回

寒暖违时节，于民有弗堪。岂应今腊八，恰似旧春三。夜□蒸肤汗，朝壶溢唾痰。浑疑北风雪，不肯到江南。

20.《唐辰腊八日大雪二首·平生腊八日》宋朝·张耒

平生腊八日，借钵受斋糜。客路岁将晚，旅庖晨不炊。持杯从破律，遣兴自吟诗。何日依禅宿，钟鱼自有时。

【篇二】关于腊八节的经典诗句

1.《腊日游孤山访惠勤惠思二僧》宋朝·苏轼

天欲雪，云满湖，楼台明灭山有无。水清出石鱼可数，林深无人鸟相呼。腊日不归对妻孥，名寻道人实自娱。道人之居在何许？宝云山前路盘纡。孤山孤绝谁肯庐？道人有道山不孤。纸窗竹屋深自暖，拥褐坐睡依团蒲。天寒路远愁仆夫，整驾催归及未晡。出山回望云木合，但见野鹳盘浮图。兹游淡薄欢有余，到家恍如梦蘧蘧。作诗火急追亡逋，清景一失后难摹。

2.《腊日宣诏幸上苑》唐朝·武则天

明朝游上苑，火速报春知。花须连夜发，莫待晓风吹。

3. 《腊日》唐朝·杜甫

腊日常年暖尚遥，今年腊日冻全消。侵陵雪色还萱草，漏泄春光有柳条。纵酒欲谋良夜醉，还家初散紫宸朝。口脂面药随恩泽，翠管银罍下九霄。

4. 《腊日》晋朝·陶渊明

风雪送馀运，无妨时已和。梅柳夹门植，一条有佳花。我唱尔言得，酒中适何多！未能明多少，章山有奇歌。

5. 《行香子·腊八日与洪仲简溪行其夜雪作》宋朝·汪莘

野店残冬。绿酒春浓。念如今、此意谁同。溪光不尽，山翠无穷。有几枝梅，几竿竹，几株松。篮舆乘兴，薄暮疏钟。望孤村、斜日匆匆。夜窗雪阵，晓枕云峰。便拥渔蓑，顶渔笠，作渔翁。

6. 《腊八日怀圣仆》明朝·葛一龙

怀君八日语，五见十年中。险阻贫兼病，西南北又东。两乡侈各健，一粥喜遥同。木末临清晓，应披看雪红。

7. 《腊八》明朝·释函可

畏寒谁复睹明星，破寺柴门手自扃。负屈以来经廿载，任教风雪夜冥冥。

8. 《连州腊日观莫徭猎西山》唐朝·刘禹锡

海天杀气薄，蛮军步伍嚣。林红叶尽变，原黑草初烧。围合繁钲息，禽兴大旆摇。张罗依道口，嗾犬上山腰。猜鹰虑奋迅，惊鹿时踟蹰。瘴云四面起，腊雪半空消。箭头馀鹄血，鞍傍见雉翘。日暮还城邑，金笳发丽谯。

9. 《腊日二首·异乡怀旧人千里》宋朝·张耒

异乡怀旧人千里，胜日难忘酒一杯。不恨北风催短景，最怜残雪冷疏梅。江边寒色雁催尽，天上春光斗挹回。我独呼儿剩丸药，微功聊取助衰骸。

10. 《腊八日水草庵即事》清朝·顾梦游

清水塘边血作磷，正阳门外马生尘。只应水月无新恨，且喜云山来故人。晴腊无如今日好，闲游同是再生身。自伤白发空流浪，一瓣香消泪满巾。

【篇三】关于腊八节的经典诗句

1. 《腊日骊山渡逢故人》宋朝·徐玑

天寒多木叶，愁思满溪滨。惆怅往来渡，经行多少人。时情独重腊，岁事每占春。与尔他乡旅，谁当怀抱新。

2.《腊日步西园》宋朝·张耒

三亩寒园春欲回，浅池低树忽飘梅。楚乡万里霜云尽，归雁行行斜日来。

3.《腊日晚过杨村写望》宋朝·汪莘

万里溪光一望穿，潜鱼世界白鸥天。若为移得溪光去，落日茅斋相对眠。

4.《次韵刘仙卿腊日喜雪·其二》宋朝·刘才邵

腊祀祁年瑞雪飘，共知帝力最难消。无边世界银为阙，不动根荄草变瑶。人悦自然天意得，时和岂待乐声调。月娥似更怜鲜洁，清影亭亭彻永宵。

5.《紫宸殿拜表贺雪二首·怪来腊日起春风》宋朝·杨万里

怪来腊日起春风，一夜琼花发禁中。大地山河银色界，九重楼观水精宫。

6.《腊日出猎因游梅山兰若》宋朝·梅尧臣

我与二三骑，争驰孤戍旁。逐麋逢野寺，息马据胡床。鹰想支公好，人思濡上狂。归来何薄暮，烟火照溪光。

7.《腊日四首·日暖村村路》宋朝·张耒

日暖村村路，人家迭迭迎。婚姻须岁暮，酒醴幸年登。箫鼓儿童集，衣裳妇女矜。敢辞鸡黍费，农事及春兴。

8.《次韵刘仙卿腊日喜雪·其一》宋朝·刘才邵

彻地寒威暖尚遥，岂同春日落还消。醉翁不道盐并絮，阿母难专池是瑶。素月交光千里共，丰年为瑞四时调。腊中三白已堪赏，何况皑皑照此宵。

9.《宫词三十三首·今年腊日近春繁》宋朝·曹勋

今年腊日近春繁，帝意深忧气未暄。益恐吾民有饥冻，太仓连发赈元元。

10.《己卯腊八日雪为魏伯亮赋》元朝·虞集

官桥柳外雪飞绵，客舍樽前急管弦。僧粥晓分惊腊日，猎围晨出忆残年。白头长与青山对，华屋谁为翠黛怜。惟有寒梅能老大，独将清艳向江天。

【篇四】关于腊八节的经典诗句

1. 《腊日饮赵氏亭》元朝·张翥

城上高亭一再过，每看风物费吟哦。近诗颇效寒山子，往事徒成春梦婆。剩买十千燕市酒，閒听二八越娘歌。梅花枉报春消息，祇遣今年别恨多。

2. 《腊八日书斋早起南邻方智善送粥方雪寒欣然尽》宋朝·王洋

腊月八日梁宋俗，家家相传侑僧粥。栗桃枣柿杂甘香，菱棋芝栴俱不录。金仟吒言成道时，不认饕餮借称目。谁谓毗耶清净身，何有尘埃更须浴。今晨雪屋梳白头，南邻与馈如素求。...

3. 《腊日同舍郎即湖上送诸葛吏部赴胡北常平次汪》宋朝·魏了翁

绣衣衔命去，祖帐为王留。大舶满青镜，寒云明玉舟。岁余官事省，蜡毕吏功休。千古行藏意，梅边细讲求。

4. 《腊八前四日》宋朝·俞桂

天气晴和又作阴，老来畏冷自难禁。余霁待伴留痕在，殊动骚人访戴心。

5. 《腊八日过叙州·其二》清朝·张问陶

碧水丹山好画图，一江金翠影模糊。层峰细碎通乌撒，古塔高寒表庆符。蛮女蹋歌愁欲绝，巴船维缆暮相呼。题诗真作天涯客，何必淹留笑贾胡。

6. 《腊日四首·腊云寒不动》宋朝·张耒

腊云寒不动，残岁转萧条。雪意千山静，天形一雁高。冰留檐旧滴，红到杏新梢。寂寞群儿笑，因文更解嘲。

7. 《次韵苏子瞻学士腊日游西湖》宋朝·苏颂

腊日不饮独游湖，如此清尚他人无。唱酬佳句如连珠，况复同好相应呼。君尝听事嗟罪孥，虽在乐国犹寡娱。是社稷臣鲁颡臾，直道自任心不紆。最爱灵山之僧庐，彼二惠者清名孤。案上梵夹床龙须，炉销都梁馥伊蒲。洁行自欲敦薄夫，长吟拥褐忘昕晡。坐客不设毡氍毹，对镜如看方輿图。君怀经济才有馀，名声妖孽懲颜蘧。且来山林寻遁逋，更玩四营兼参摹。

8. 《宫词·腊日天寒苑猎迟》宋朝·宋白

腊日天寒苑猎迟，猎回诸卫屹枪旗。女真王子新朝觐，旋遣黄门赐口脂。

9. 《偈颂七十六首·腊八是今朝》宋朝·释师观

腊八是今朝，如来成道日。夜半见明星，从此生荆棘。荆棘生人间，天上错流传。

10.《腊日四首·园冷无人扫》宋朝·张耒

园冷无人扫，门荒少客过。槐高庭日少，竹近野风多。霰雪催残腊，山川对浩歌。飘蓬求季主，身世问如何。

【篇五】关于腊八节的经典诗句

1.《腊八日丁未，此日自成都到家》清朝·张问陶

去岁还家逢腊日，今年腊日远思家。兄酬弟劝情如昨，物换星移事可嗟。旅食一瓯怜佛粥，乡心万里入梅花。长宵归梦分明极，社酒村灯笑语哗。

2.《和腊日》宋朝·梅尧臣

猎鼓逢逢奏，寒冰鬻鬻消。正怜风日暖，不似雪霜朝。敢问祠黄石，休从击皐雕。楚郊梅萼未，垅麦已多苗。

3.《腊日四首·今日何妍暖》宋朝·张耒

今日何妍暖，青春亦不迟。竹寻穿地笋，梅有犯寒枝。云物晴无事，禽鱼暖自私。芳菲行满眼，准拟报愁知。

4.《南歌子·黄州腊八日饮怀民小阁》宋朝·苏轼

卫霍元勋后，韦平外族贤。吹笙只合在缑山。闲驾彩鸾归去、趁新年。烘暖烧香阁，轻寒浴佛天。他时一醉画堂前。莫忘故人憔悴、*边。

5.《己卯腊八日雪为魏伯亮赋·其二》元朝·虞集

漫空飞絮散轻绵，所异寒威欲折弦。县令温存僵卧叟，词人解颂太平年。剪云为叶烦相寄，种玉成田不受怜。丹鼎温温千岁熟，乐天事业在知天。

6.《腊八日过叙州·其一》清朝·张问陶

风掠晴云澹不收，夕阳吹影上扁舟。帖山楼殿平如画，插水林峦碎欲流。爆竹声繁逢腊日，荔枝香冷过戎州。船窗自击泥头酒，味谏轩南为少留。

7.《腊日谢仰上人惠兰》宋朝·曹勋

未觉光风转朔云，深窗乍见意增新。欲先楚客传清些，未放江梅占早春。自许幽午传窈窕，更烦白足下嶙峋。为君拌擞烦襟看，要是都无一点尘。

8.《奉和兴宗腊日招宾浴普光》宋朝·韩维

嘉腊世所用，况今以令休。吾侪三四人，及辰为兹游。兹游岂其远，东城大道周。松桧寒色静，

台殿香气浮。振衣聊自洁，举觞复相酬。淡泊顾多思，嘲谐讫无尤。京都豪贵儿，良马轻衣裘。飞鹰搏狐兔，驰突明星流。归来击鲜饮，赵舞间齐讴。岂不一时乐，此乐异我求。愿君勤置酒，简薄非所羞。

9. 《腊日同朱学谕登翠麓亭》宋朝·徐玑

缓行循翠麓，凝睇俯清湾。舟楫荐花外，江山夕照间。天寒虽日短，岁晚亦身闲。高树梅初发，与君相共攀。

10. 《腊日偶题》元朝·虞集

旧时燕子尾毵毵，重觅新巢冷未堪。为报道人归去也，杏花春雨在江南。

更多 范文 请访问 https://www.wtabcd.cn/fanwen/list/91_0.html

文章生成doc功能，由[范文网](#)开发